

Solelheta (7/7)

Mas lo Drac sabíá plan qu'a aquel endrech lo riu aviá pas cap de palanca.

« A ! Solelheta, Solelheta, diguèt, as plan obrat aici ; mas, aqueste còp, m'escaparetz pas, ni tu ni ton Bernadonet. »

Tanplan, li escapèron encara : quand volguèt atrapar lo barreràs e la palanqueta, aquí que lo barreràs se cambièt en brau que sautèt pel prat e que la palanqueta tombèt dins lo riu e se cambièt en granolha que s'anèt amagar jos un pè de junc ; mas aquí que la bagueta de la Solelheta demorèt sus l'aiga, e lo Drac l'atrapèt. Alavetz, diguèt :

« Bernadonet, brau sès e brau sièis ans seràs ; e tu, Solelheta, granolha as volgut èsser, granolha sèt ans demoraràs. »

Cada jorn, lo Bernadonet, cambiat en brau, anava pàisser a l'òrle del riu ont èra la Solelheta, cambiada en granolha, e aital se vesían çaquela.

Al cap de sièis ans, lo Bernadonet tornèt gojat, - e s'oblidèt la Solelheta.

Al cap de sèt ans, la Solelheta foguèt pas mai granolha : foguèt, coma abans, una polida dròlla ; mas trobèt pas lo Bernadonet.

Pertot lo cercava, e se desolava de l'aver perdut.

Un jorn, passèt a un vilatge que fasián una nòça, e vegèt lo nòvi e la nòvia que se n'anàvan a la glèisa, e aquí que lo nòvi èra lo Bernadonet !

La Solelheta se n'anèt en cò d'una pancossièira e li diguèt :

« Auriatz pas un pauc de pasta ?

Ò ! non, n'ai pas brica.

Quand n'auriatz pas qu'un pauc coma un cuol d'espilla, n'auriái pro. »

La pancossièira anèt veire dins la mag e ne trobèt un pauc coma un cuol d'espilla e lo li donèt.

La Solelheta prestiguèt aquela pasta, la boleguèt plan, e ne faguèt dos colombs - un colomb e una colomba - e lor donèt la vida.

E aquí qu'aqueles dos colombs s'anèron pausar sus una fenèstra de la glèisa, al moment que los nòvis intràvan per esposar. E lo colomb disiá a la colomba :

« Rocó ! rocó ! colombeta, fai-me un poton.

Ò ! non, te vòli pas far un poton, que benlèu fariás coma lo Bernadonet, qu'a abandonada la Solelheta : l'a despaisada e après l'a debrembada. »

Aquí que lo Bernadonet o ausiguèt. Sortiguèt de la glèisa, trobèt la Solelheta sus la pòrta. Tanlèu que la vegèt, la reconeguèt e li sautèt al còl. E la Solelheta se l'emmenèt, e la quitèt pas pus jamai.

Questions Solelheta (7/7)

1) Cossí se fa qu'aqueste còp lo Drac descobris los dròlles ?

.....
.....

2) Fai un resumit ambe l'ajuda dels mots prepausats :
palanqueta - barreràs - riu - escapar - tombar - se cambiar -
brau - granolha - bagueta - demorar - aiga - trapar - sièis ans -
sèt ans - oblidar - gojat - dròlla - vilatge - nòça - glèisa -
pancossieira - pasta - colomb e colomba - abandonar -
reconéisser

.....
.....
.....
.....
.....
.....
.....
.....
.....
.....
.....

.....
.....
.....
.....
.....
.....
.....
.....
.....
.....
.....

reconéisser
pancossieira - pasta - colomb e colomba - abandonar -
sèt ans - oblidar - gojat - dròlla - vilatge - nòça - glèisa
brau - granolha - bagueta - demorar - aiga - trapar - sièis ans
palanqueta - barreràs - riu - escapar - tombar - se cambiar -
2) Fai un resumit ambe l'ajuda dels mots prepausats :

.....
.....

1) Cossí se fa qu'aqueste còp lo Drac descobris los dròlles ?

Questions Solelheta (7/7)